

فخريه

تخليص وطن

۲۱ نومبر ۲۲ ذى الحجه ۱۳۱۴

شورای امت

۲۴ مایس فرنگی ۱۲۹۷ سنه ۱

آدره سبز:

ابونه بدلی: هر رايچون سنه لکي برانکيز ليراسيدر .

داخلده بولنان ارباب غيرت و حيمه نشر و تعميمي تعهدايتديکي
حاله مجاناده کوندريلور .

وسائط مخصوصه ايله ايستينار ايجاب ايده جک فضلہ

اجرت کوندريلور .

قانون اساسی - صندوق البوسته نمرة ۳۳۰
مصر القاهرة
CANOUN - I - ESSASSI
BOITE SPÉCIALE
N. 330
CAIRE, (Egypte).

نه ممکن ظلم ايله بيداد ايله احصای حرب
چالیش ادرای قالدیر مقتدره ک آدمیتدن
کال

نسخه سی ۲ غروشدر

فکار عمومی مہینہ نو رايہ وطن مقدس ک تخليصی شريعت و حيمت نامنه طلب ايدن جریده مزک تعمیعی هر مسلم و عثمانی ایچون برفریضہ د

متارکه

مظفر عثمانی اردوسی اوکنده مطبوعات
عالمه سرمایہ اولان قهقری رجعت له تسالیانی
ترک ایدرک . اورتی ، طاغریته التجایہ مجبور
قالان یونانیلر نہایت صلح تمینا تیلہ اوروپانک
توسطنی طلب ایلمشدر . معلوم درکه حربک
ایستاسندن بری دول معظمہ یونانستانہ قارشى
بوتوسطک بدلی اولق اوزره کریدک تخلیه سنی ،
مختاریتنک رسماً طانیئمہ سنی و طرفلر ندرن
تسبیب ایدیلہ جک شرائط صلحیہ نک قبولی
تکلیف ایدیورلردی . حادثات حربیہ مغلوبیتدن
مقهوریتہ ، وقوعات سیاسیہ فنادن بدترہ کیتدیکی
حاله حالا حقیقتہ خیال اساطیری فدا ایتکده
متحیر قالان قابیئہ نہایت آتشیہ ده کی سفرایہ
ویردیکی رونطہ ده کریدک تخلیه سیلہ مختاریتنک
قبولنی و منافع یونانیہ نک دول معظمہ نک
ہمتہ تودیع اولندینغی تبلیغ ایتمشدر . تسبیب
ایدیلہ جک شرائط صلحیہ نک قبولی ، قسمنک
منافع یونانیہ نک دول معظمہ یو تودیعی صورتیلہ
بوغرا دلیننی تبدل ایلہ یونانستانک براقش
اولدیننی قچاق یولی برچوقلرک دقتی جلب

ایلمش اولمقلہ برابر دول معظمہ جہ تکرار مختبرات
قیوسی آچدیر میہرق درحال توسط وقوعبولش
واستانبولدن مذاکرات صلحیہ ضمنندہ متارکہ
طلب ایدلمشدر .
وصرہ ده ایسہ ده تسالیانہ بولنان عساکریمز
هنوز قطعہ نک حدود جنوبیسی تشکیل ایدن
دوموقو (دومکہ) نی ضبط ایتہ مش ایدیلر .
لکن بوصرہ یہ مصادف بایرام مناسبتیلہ جواب
ویریلنجہ یہ قدر دوموقو دخی ضبط ایدلمش
وحتی کنہ کمال رزالتلہ اجنبی کوکللی لرینی موقع
حربده براقہ رق فرار ایدن یونانیلرک تعقیبی
صرہ سندہ دہا ایلریدہ براقچ موقع دہا الہ
کچیر لمشدر .

بوصورتلہ قبولی خبر ویریلن اون یدی
کونلک برمتارکہ نک بداندن اول تسالیانہ قطعہ سی
تمامیلہ استیلا ایدلمش بولوندیننی کبی اپیریننی
یانیہ حوالیسی جہتشدہ دخی آرہ صرہ باش
کوسترمش وحتی متارکہ طلبی صرہ سندہ برہجوم
ایلہ ایلریلیسہ رک تسالیانہ مقابل بر مقدار
اراضی عثمانیہ نی ضبط ایلہ ارک مذاکرات صلحیہ
یہ (حالیحہ) کیرمک ایستہ مش بولنان میرالای

مانوس فرقه سیدہ ہزیمتیلہ بوسکور تیلہ رک (آرتا)
قلعہ سیدہ ضبط ایدلمشدر . یعنی مذاکرات صلحیہ
زمینی عسکری نقطۂ نظرندن تقدیر ممکنسہ او قدر
مکمل صورتدہ حاضر لائمشدر . شمدینکی
حاله ایسہ دولت عثمانیہ طرفندن درمیان اولنہ
جق تکالیف صلحیہ نک مذاکراتی صرہ سندہ
یز: فقط بو آنہ قدر کرک اوروپا جرائدینک و کرکسہ
تعارف آژانسلرینک و برمش اولدقاری معلومات
پک مختلف وقاریشقدر:

تسالیانک ممالک عثمانیہ یہ الحاق ویا بالکنز
تضمینات اعطاسنہ قدر غلوص لیمانک اشغالی
ویاخود حدود بونیدہ فن حرب نقطۂ نظرندن
بعض تعدیلات جزئیہ اجراسی ۷۵ میلیون
فراقندن ۲۳۰ میلیون فرائعہ قدر تضمینات
اعطاسی ، قایتولا سیونلرک لغوی ، سالانیٹ
کورفرزندہ و یانیہ حوالیسی سواحلندہ بومبار
دمانلہ تخریب اولنان املاک اہالیانک تضمینی کبی
برچوق شرائطدن مشکن تکالیف صلحیہ
درمیان اولنیورکہ بولنرایچندہ اکثریتک قبولہ
مائل اولدقاری : تضمینات ، حدود دہ عسکری

نقطه نظر نداشتن تعدیلات، قاپیتولا سیونلرک لغوی در ۱۰ ورده تضمینات اعطاسنک تأمینی ضمنده مالیه و یا بالکزه کمرکارک قوترولیده — خصوصاً اکثری یونان داینلرینک المان اولمی و بناء علیه بوتدیرک آلمانیا جه ده مطلوب بولنسی حسبله — ملحوظ ظن اولونیور.

بوتکالیف میانده الک مهمی قاپیتولا سیونلرک لغویدر، زیرا اولدنبری امور خارجیه و داخلیه جه الک یوک رخنه لک آچیلمه سنه سبب اولان بوقاپیتولا سیون مسئله سی اورته دن قارقارسه دیگر امثالنک دخی باشمزدن دفع ایدلمه سنه بر حسن مقدمه اوله جنبی کبی ممالک عثمانیه ده چکرکه کبی منتشر اوله رق بوجاربه ده حکومتلرینه اعانات حریبه ایا رایدن تبعه یونانیه نک سؤاستعمالته ده برکوزل سدچکیلرک کلی منافع دخی تأمین ایدلمش اوله جقدر

لکن مذاکرات شناسنده یونانی التزام اینیه جکری درکار اولان دول معظمه نک اعتراضاته قارشى لازمکن متانت عجا کوستریله جکمی؟ میزان رفیق غیر تنزک اون طقوزنجی نسخه سنده حربک اعلاتنه موفیت حاصل اولنجه یه قدر یادی زده وقوعی خبرویرلن رزالتلر تکرر ایدر وایشه برمعتاد قارشمه سی مقرر اولان اولان اوغورسزک قانی یارمقلرینه ینه بر سله اولمزسه بوبارلاق مغفرته قارشى تأدیه سی محاله معلق بر تضمینات تسلیسی ایلر قالمقلمز ده روش احواله نظر آپک ملحوظدر.

*.

اخیراً آوستریا ایمپراطورینک پترسبورغه سیاحتیه تعاطی اولنان نقطلر بونی متعاقب طرفینک خارجیه ناظرلری قوت موراویه و غلوحوفسکی طرفلرندن رومانیه، بلغارستان، صربیه و قرقه طاغه تبلیغ ایدیلن نوطلر ایلر و یانه

و بوداپشته مطبوعاتنک نیم رسمی نشریاتی دخی امور شرقیه جه براهمیت مخصوصه ایلر تلقی اولنمشدر.

بالقان حکومتلرینه تبلیغ ایدیلن نوطلر ده رقابت و فرطه و آمال غیر معقوله ایلر اوروپانک صلح و مسالمتی و شرقک موازنه حاضره سنی اخلال اتمه ملری حکومتین نامنه قطعاً اخطار اولونمشدر. و یانه، پشته و بکشرش مطوعاید بومدعای تأیید ایلمکده و حتی ویانه نک «نووول پرهس لیبر» نامنده کی مهم برجریده سی ایکی ایمپراطورلرک بوقرارینی مثنی و مثلت اتفاقلر اورزندن — قیمتلرینه خلل ویرمه مک اوزره — عقد اولنمش بر (اتفاق ایچده اتفاق) صورتیله تلقی ایلنمشدر. واقعا شرقده مسالمتنک دوام و تأیدی حالنده بویاچلی طیشلی اتفاقلرک ظرافت و صنعتی خلیل پذیرا و لمز و صلح جویانه مدارتسی اولورسه ده دولت عثمانیه ده احوال مؤله حاضره نک دوامیله شمال دوستلرک پلانلرینک موقع اجرایه تطبیق دقیقه سنده — انکله تره بر لاقیدی ظاهری ایلر اطرافده دولاشدییی حالده — بوالاله دوران متفکرلرک کسب ایده جکاری احوال شایان دقتدر؛ حتی هنوز ضعیف بعض روایاته نظراً آنکله تره، فرانسه و ایتالیا آره سنده شرق مسائلنه دائر بر ترقیرک مبادیسته قائل اولمق لازم کلیرکه بوده مثنی و مثلت اتفاقلرینک قیمت و اهمیتی اخلال ایتیمورسه ایکی ایمپراطور لره کورل بر نظیره اولور، فقط هر حالده کندی یاقه مزى المنزل دوزلتمک ایچون الک مناسب

اولان شوهنکا مدن ده استفاده ایده میه جک اولورسه ق صورت ترتیبی نه اولورسه اولسون نتایج اعتباریه بواتفاقلرک هب بقای واستقلال مزه قصد ایتمکدن باشقه بر تأثیر لرینی کورمه میه جکمز طبعی و تجربه ثابتسدر. حالبوکه بویله

برسلامتجویانه حرکتک آثاری هنوز کوروله مکده در. مع مافیه مصالحه نک فرداسته معلق خیلی امیدلر موجودا و لدیغندن شمدیلک انتظارله اکتفائی مناسب کورمکده یز.

مقاله مخصوصه

(مابعد)

ملکیه رجالتک جوغنه، احوال و اطواری شایان تسطیر و بلکده واجب التحقیر در. منافق تحقیر و ترزیل زکات ادب و صدقه عرفان. مؤمندر. اهل ایمان اعمال و اخلاقنی فرقان مینک احکامنه تطبیقه بورجلیسدر. فکاری، آلجقلری الک زیاده ذم ایدن و منافقلری، لغتنه جهنمک درک اسفله کوندرن ینه قرآن عظیم الشاندر. شرلرندن عبادالهی بخذرو و قابه ایچون ظالملری منافقلری ذم و تحقیر مآذون و حسن یتعزله مأجورز. وکلای حاضره نک — روایت اخیریه به نظراً عدلیه ناظری عبد الرحمن پاشا مستشاً — نقلاً و عقلاً ثابت اولان تفاقلرندن توبه و استغفار ایلدکرنه و باینتنده بولوندرلرینه دائر جزئی براماره کورولندیکندن تفاقله محکومیتلری بردوامدر. نوزنبوتله ماهیت اشیایه مطلع اولان پیغمبر اقدمز، منافقت تعریفده و وعدنده خاف، امانتده حیانت ایدن، سوزی بالان و محاصمه ده حق و عدالتی کوزغه یوب حقسزلی مرتکب اولاندر و یور مشر. باشد عبد الحمید اولدینی حالده وکلاسیله بند کانتک افرادی جامع، اغیارینی مانع اولمق اوزره تعریفی بوحديث شریفندن مستفاددر. اسکی منافقلر وصف و تعریفلرینی ایشتمکدن یک مضطرب اولور لرمش، یکبرده اوده یوق. هریشی کوچک اولان سعید پاشا بعد التعمیم خاصه ذکره لایق برمنه فقدر. بالکتر تفاقله یوکدر. جمعیت خبریه افرادندن بریسی اولسون بولوب کوروشمکی مهر داری اولان حسنیه بکه مصرأ توصیه ایدییور، اخبار دن هیچ بر فردا منبت ایده میور. باللفضیه: .. حمیده معلم شیطنت اوله لیدنبری بخواندیردییکی ذوات عالیه کفایت ایتیمورمش کیده اذکیا و حیتمندان و ارسه آلریده یوق ایتدیر مکله معزولیده ییله اقدیسنه بر خدمت صادقانه ابراز ایتلک هوسندن واز کچه میور. کسدییکی طرائق سعید دن دکرلی اولان اسماعیل کال بکک بالکتر کتابنی تقدیر ایده ییلور، متالته ده یکی واقف اولیور؛ اهلیت اصحابیه حسد و عداوتی معلوم اولان کوچکک بوقدر اعتراضده — مراتبانه اولمازسه — یوکدر!